



24. marts 2009

Inatsisartut Suleriaasianni § 36, imm. 1 naapertorlugu Naalackersuisunut apequt imaattoq matumuuna saqqummiuppara:

- 1. Pilersuisoq A/S Namminersornerullutik Oqartussanit pigineqartoq aallaavigalugu nioqqutissat naliginnaasut akiisa aalajangertarnerini iluanaarutigineqartartut pillugit Naalackersuisut nassuiaateqaqquneqarput.**
- 2. Atuisut soqutigisaat illersorniarlugit nunatsinni iluanaarutit pillugit inatsiseqannginneq Naalackersuisunit qanoq isumaqarfigineqarpa. Akissummi atuisut soqutigisaasa illersornissaat naliginnaasumillu pilersuineq pillugit Naalackersuisut isumaat ujartorneqarpoq.**

(Inatsisartuni ilaasortaq Marie Fleischer, Inuit Ataqatigiit)

## **Tunggavilersuut:**

Tusagassiutitigut saqqummiunneqarpoq nunatsinni pisiniarfiit naliginnaasunik ulluinnarni atortussianik tuniniaasartut annertuumik iluanaaruteqartartut, taamaammat naliginnaasumik atugassiat qanoq annertutigisumik iluanaarutaasarnersut paasissallugu inuiaqatigiinnut pingaaruteqarluinnarpoq.

Pineqartut innuttaasutut paasilluassagutsigik pissutsit ersarissumik nassuiartariaqarput. Assersuusiorsinnaanissaq siunertaralugu Naalackersuisut akissutaanni assersuutigalugu Maniitsumi Pilersuisup akigititai paaserusunnarput, moms-eqanngitsumik tunggaviusumik akii, assartornerisa akii, Landskarsimut akitsuuteqarsimappata akitsuutaat, ilanngullugulu tuniniaanermi aki atorineqartoq. Makku pineqarput:

- 1 kg qajuusat
- 1 kg sioraasat
- 1 kg qaqorteqqasut
- 1 agurki

- 1 liter immuk
- 1 kg qilalukkap mattaa
- 1 kg tuttup neqaa

Inuit Ataqatigiinni ilisimalluarparput Naalakkersuisut Pilersuisoq A/S-iminngaanniit toqqaannartumik passissutissanik pissarsiniarsinnaangitsut. Aammami niuerneru isertuukkusutaqarsinnaavoq.

Tamakku eqqaareerlugit Pilersuisup Namminersornerullutik Oqartussanit pigineqartutut ersarissumik akimullu ersittumik akitigut pissuseqarnissaq soqutigisussaassavaa.

Ullut qulit qaangiutsinnagit sukumiisumik akissuteqartoqarnissaa kissaatigissavara.